

呪曰


引炁齊羅外 九芒結雲華 七神高上道
三景耀朱霞 捧香服景精 功滿解世羅
煉化塵劫盡 億齡不為多 落籍三界度
結友太上家 御景控玄斗 八極何足賒
三光導仙法食符



呪曰

自然至真道 妙極玄中玄 萬天朝玉陛
九老參華軒 三光有靈炁 取度惟聖賢
勤行導仙業 嚙御吞華房 神形合三象
渺渺歸本元 皇鳥翔十天 飛舉不顧還
三光瑞炁法食符

靈寶玉鑰卷之三十七



呪曰

迢迢三天上 落落九玄臺 金童採芝集
玉女持花回 天寶抱仙容 俯仰昇瑤階
天河灌東井 寶炁榮空來 嚙納嗽瓊津
兆劫不復衰 矯首三清路 振衣何樂哉
三光定光法食符



呪曰

至哉上真道 妙哉靈寶章 吸景導五星
嚙御存華芒 流精灌百體 皎晶凝雪霜
洞達照內外 塵滓都消亡 豐肌不復老
契此名定光 永宴太平館 斯為不夜鄉
攝跡歸本根 九轉凝玄常
靈寶玉鑰卷之三十七

靈寶玉鑰卷之三十七

斬尸度戶門

蓋三


夫靈寶大法有斬尸度戶天神納庫之道故經云請滅三惡斬絕地根飛度五戶名列太玄蓋三惡五苦之類皆原於習而此心實諸惡眾業之端始也原夫人之稟生皆從二氣五行中來本自圓明無有染著漸因人心離本就末遂妄迷真苦報惡緣轉迴不息滔滔陷溺而忘返耳欲復其初終不可得則必假我以清靜無為自然妙道以覺其未覺之性無壞無雜堅固利劍以斷其未斷之緣俾其汙流尋源歸真悟本所謂空其五蘊則五苦自消證妙三元則三惡自滅矣然後以中斗大魁之形而合夫二炁五行之真以天地生成之數而回其本然大洞之靈曰天曰神皆得入夫本來元始光明之藏復歸於無極也故曰納庫復何以致思焉

存用

兆以一氣周屋三關五臟使內外營際次引炁自下丹田上升既九化為元始天尊

頂出金光道炁下注亡魂次以一炁堅剛之性為利劍斬絕三尸左手拍玉文右手仗劍存三官五帝斬尸度尸靈官森列于前令齊主執箒以紙錢三堆布三台形每堆焚符一道以劍斬滅三尸次嘆水存亡人心生善念三惡永消次以一炁金光引接亡魂飛度五尸臨事之際一念不生則諸緣自滅矣

勅制地祇符



呪曰

靈寶祖炁 聲化諸天 魂離北岳 魄度南天
九壘九地 東勅三天 九皇開光 赤字元言
無量度人 大量玄玄 急急如上帝勅

告文

太上勅制地祇符命

符

右奉

太上符命

勅制地祇告下北都羅鄴嶽嶺實關主者一切神司侍衛送迎亡過某出離地戶五苦八難七祖昇遷永離鬼官魂度朱陵受鍊更生一如告命

太歲

年

月

日

具法

位

姓

某奉行

封式

太上勅制地祇符命告下

北都三塗五苦冥官主者

具法位 姓某謹封

次於三堆紙錢上逐堆焚符高功仗劍運神斬滅三尸引魂度三塗界次第畢

斷絕天塗界符



呪曰

三炁陽光 定慧靈樞 窮魂冠帶 德契玄無
混生變化 善寂煖虛 法輪運轉 永免天塗
急急如律令

又呪

上尸青慾 字號彭羅 變化九種 為頭蛇罪
混沌無心 或沉或浮 貪慾滋味 華色自居
走作人魂 魄司過咎 斷人命根 氣散人遊
放蕩三官 小蟲無拘 本日煉度 書篆靈符
色慾已斷 死路已除 元始符命 請斷尸頭
三台監形 速出無留 滅根絕種 勿使餘遺
亡者煉具 三官清虛 五帝監映 太一定書
吉日沐浴 冠帶行時 飛度天界 沈景玉與
逐景上清 乘空遨遊

告文

玉清靈寶開光玉符

符

右符告下落滅色根惡道靈官奉為亡過某
斷絕天塗界上尸道色慾門免
天官奔雷逐電之役一如

告命

太歲年月日吉下

具位職臣姓某承誥奉行

斷絕地塗界符東文



呪曰

三陽兆文 九地摩圖 光顯開度 梵無彌羅

六字溼瀾 脫彼地塗 急急如律令

又呪

中尸彭頭 號曰中黃 愛慈自居 倚伏逃藏
沉浮變化 形無常方 執人魂魄 走作三官
赤子馳騁 使人發狂 慈性喪人 罪由小蟲

今日煉度 上帝已微 身佩金符 玉文金章
列名玄圖 三慈已忘 元始符命 斬滅尸形
斷根絕種 勿使飛揚 亡魂受煉 五府清涼
具仙安鎮 藏內生光 五帝監映 太一系列
中元沐浴 冠帶衣裳 解形變景 沈景玉光

飛昇上清 食息太空 長保自然 天地無窮

告文

玉清靈寶開苦玉符

符

右符告下落滅愛根惡道靈官奉為亡過某

斷絕地塗界中尸道愛慈門免

地官擔石負山之役一如

告命

太歲年月日吉下

具法位臣姓某承誥奉行

斷絕水塗界符東文



呪曰

松景長生 內氣合和 通其解滯 善破四魔
幽關朗徹 凝照玄阿 水塗開奉 永出愛河

急急如律令

又呪

下尸彭頭 貪德自崇 白色混沌 體無常形

依人兩足 悅動人情 言我得失 走作魂靈

三宮擾亂 赤子不寧 貪慾小蟲 假備幽冥

今日受度 三煉已清 慾門閉塞 不受邪精

元始惠令 三台臨庭 速出無隱 及汝弟兄

九種子孫 一時新形 五帝度具 太乙記名

下元沐浴 冠帶羽青 玄度三界 上願元精

解形逐孽 沈景上清 飛玄步虛 三界齊明

告文

玉清靈寶開明玉符

符

右符告下落滅貪根惡道靈官奉為亡過某

斷絕水塗界下尸道貪慾門免

水官澆汲撲波之役一如

告命

太歲年月日吉下

具法位臣姓某承誥奉行

飛度色累戶符東文



志願上元玉府之

咒曰
妙哉无始 傾光紫微 曲映九幽 性悟神飛
慈悲法雨 沛然普施 急急如律令

又咒

解形運變 落尸五門 三慾已清 脫故煉新
神津內灌 體香蒸蘭 玉符滅迹 地無拘懸
飛度天界 超凌雲端 魔王保真 氣合自然
七祖同昇 飛步天門 五帝監映 萬神咸聞

告文

玉清靈寶開景玉符

符

右符告下飛度色累尸靈官奉為亡過共斷
除色累苦心門免

泰山地獄苦道一如
告命

太歲 年月 日告下
具法位 姓 承請奉行
飛度愛累尸符



咒曰

陽炁上昇 二氣即交 出死入生 合慶幽寒
煉化成真 二帝秀飄 道契靈章 生神自起
急急如律令

又咒

雲行飛步 蓬髮玉光 解形脫迹 散髮翱翔
人界無拘 乘虛空行 天魔已除 五道開通
超度風刀 形昇上官

告文

玉清靈寶開化玉符

符

右符告下飛度愛累尸靈官奉為亡過共斷
絕愛累苦神門免風刀地獄苦道一如
告命風火驛傳

太歲 年月 日告下
具法位 姓 承請奉行



飛度食累尸符

咒曰

阿那瞿曇 光明混沌 玄景耀衛 制會鄭山
龍溪梵炁 玄上虛闕 勿涉苦津 玄滅凶殘
急急如律令

又咒

解形神變 割截食癡 超出銅柱 越過愛津
幽魂受度 苦癸咸還 七祖解脫 九玄生天
愛累永脫 神飛上仙

告文

玉清靈寶開生玉符


符

右符告下飛度食累尸靈官奉為亡過共斷
除食累苦形門免擔砂負石地獄苦道一如
告命風火驛傳

太歲 年月 日告下

具法位 姓 承誥奉行

飛度華競尸符



呪曰

破暗燭幽 雲輝九丘 斷除華競 駕景飛雲 急急如律令

又呪

落尸解罪 神超鏡湯 剪除華競 滅落形聲 神津內灌 魔王保迎 洞達無礙 與道同情 逍遙自然 昇宴紫度

告文

玉清靈寶開靈玉符

符

若符告下飛度華競尸靈官未為亡過未斷 除華競苦精門免堪河灌漬地獄苦道一如 告命風火驛傳 太歲 年 月 日告下

具法位 姓 承誥奉行

飛度身累尸符



呪曰

八芒敷榮 刀山摧祖 身累斷滅 永度幽苦 急急如律令

又呪

玉符解罪 神脫冥波 蕩除業障 割切惡根 幽司罷對 寒鄉停刑 出離北府 神得受生 快樂無為 逍遙太空

告文

玉清靈寶開真玉符

符

若符告下飛度身累尸靈官未為亡過未斷 除身累苦魂門免吞火食炭鏡湯地獄苦道 一如 告命風火驛傳

太歲 年月 日告下

具法位 姓 承誥奉行

總初八符呪

玉清寶符 元始妙章 隱去幽蒙 妙達群陽 變陰作晝 靡醫停殃 消除罪累 飛度南宮

以上八符黃素朱書後用檄文於煉度之前如法奉行斬滅三尸斷絕五累然後入壇受煉

凡修真之士能以庚申甲子之日書而服之可以斷絕三尸落滅惡根也

解究符



告文

靈寶解究釋結昇度真符

符

神符告下解究釋結永脫仇讎執對分別累緣俱盡不生惡業出離寒庭罪根消滅一如

